

КОМИ РЕСПУБЛИКАСА КОМИ КЫВ КОМИССИЯЛӨН

2011 вося ода-кора төлысь 12 лун

14 №-а

СЁРНИГИЖӨД

Волісны: Марков В.П., Цыпанов Е.А., Бутырева Г.В., Карманова А.Н.,
Коснырева Е.Г., Макарова Н.Д., Попова Н.А., Федина М.С.

**Видлалісны да сёгласуйтісны Коми Республикаса Оланподулысь
80-84 (п.5) статьяяс:**

5 юрпас. ОЛӨМӨ ПӨРТЫСЬ ВЛАСЬТ

(2001.10.12 лунся 45-РЗ №-а КР Оланпаслөн редакцияын)

80 статья

Коми Республикаын олөмө пөртысь власьт збыльмөдöны Коми Республикаса Юралысь, Коми Республикаса Велькөдлан котыр, Коми Республикаса министерствояс да Коми Республикаса олөмө пөртысь власьтлөн мукөд орган, кодьяс збыльмөдöны олөмө пөртан да индалан могьяс да могмөдöны гражданалысь инөдьяс да оланпасөн урчитөм көсйөмьяс.

Коми Республикаса Юралысь лоö Коми Республикаса медвылыс чина мортөн (Коми Республикалөн Велькөдлан котырса юрнуодысьөн).

(мөд юкөныс 2005.05.17 лунся 47-РЗ №-а КР Оланпаслөн редакцияын)

Коми Республикаса чина йөз да олөмө пөртысь власьт органьяс уджлысь инөда подувсö урчитö Коми Республикаса Оланподув серти Коми Республикаса оланпас.

(коймөд юкөныс 2005.05.17 лунся 47-РЗ №-а КР Оланпаслөн редакцияын)

81 статья

(2005.05.17 лунся 47-РЗ №-а КР Оланпаслөн редакцияын)

Россия Федерацияса гражданинлы Коми Республикаса Юралысьлысь уджмогыяс сетö Коми Республикаса Каналан Сöвет Россия Федерацияса Президентлön вöзйöм серти федеральнöй оланпасöн артыштöм ногөн да индöм кадколастö.

Коми Республикаса Юралысьлысь уджмогыяссö федеральнöй оланпас серти вермасны сетны Россия Федерацияса гражданинлы, кодлön абусуйöрсайса канмулön гражданство либö сэнi олöм вылö кабала, либö Россия Федерацияса гражданинлысь суйöрсайса канму мутасын пыр олöм вылö инöд эскöдан мукöд документ да кодлы тырöма нин 30 арöс.

(2006.11.20 лунся 114-РЗ №-а КР Оланпаслön редакцияын)

Коми Республикаса Юралысьлысь уджмогыяс олöмö пöртан кадколаст - нель во.

82 статья

Коми Республикаса Юралысь пырö чинö (босьтчö чина уджö) кыпыд кывсетöм (ёрсьöг, ёрдкыв) бöрын:

“Коми Республикаса Юралысьлön чина уджö босьтчигөн кыпыда кöсйыся кывкутöмөн пöртны олöмö Коми Республикаса Юралысьлысь ме водзö сувтöдöм ыджыд могьяс, пыдди пуктыны да дорйыны мортлысь да гражданинлысь инöдьяс да вöля, кутчысьны Россия Федерацияса Оланподулö, федеральнöй оланпасьясö, Коми Республикаса Оланподулö да Коми Республикаса оланпасьясö”.

Кыпыд кывсетöм (ёрсьöг, ёрдкыв) висьтавсьö Коми Республикаса каналан кывьясөн Коми Республикаса Каналан Сöвет водзын Коми Республикалön Оланподув Ёрдса ёрдысьяс дырйи.

83 статья

(2007.05.08 лунся 35-РЗ №-а КР Оланпаслön редакцияын)

Ассьыс уджмогыяс збыльмодан кадколасто Коми Республикаса Юралысьлы быть колö кутчысьны дзескөдöмьясö, кодьясöс урчитöма Россия Федерацияса субъектлөн медвылыс чина мортлы (Россия Федерацияса субъектлөн каналан власьт олöмö пöртысь медвылыс органа юрнуöдысьлы) федеральной оланпасөн.

84 статья

Коми Республикаса Юралысь:

1) збыльмөдö ас уджмогыяс серти мортлысь да гражданинлысь инöдыяс да вöля олöмö пöртан, могмөдан да дорьян, ас эмбур да общественной пöрадок видзан, мыж вöчöмкөд тыш нуöдан мераяс;

2) петкөдлö Коми Республикаöс каналан власьт федеральной органьяскөд, Россия Федерацияса субъектыяслөн каналан власьт органьяскөд, меставывса асвеськөдлан органьяскөд йитöдыясын да ортыса экономической йитöдыясын, та дырйи Коми Республика нимсянь вермö кырымавны сёрнитчöмьяс да артмөдчöмьяс;

3) котыртö Коми Республикаса Вескөдлан котыр Коми Республикаса оланпастэчас серти да вынсьöдö (примитö) Коми Республикаса Вескөдлан котырлысь удж дугөдöм йылысь помшүөм;

(3 п. 2005.05.17 лунся 47-РЗ №-а КР Оланпаслөн редакцияын)

4) вермö пöртны олöмö Коми Республикаса Каналан Сöветын оланпас вöзьян инöд;

5) йöзöдö оланпасьяс, кодьяслысь йöзöдöмсö эскөдö оланпасьяс кырымалöмөн, либö вештö Коми Республикаса Каналан Сöветөн вынсьöдöм оланпасьяс;

Комиссияөн веськөдлысь

В.П.Марков

Комиссияөн веськөдлысьöс вежысь

Е.А.Цыпанов

Кывкутысь секретар

Е.Г.Коснырева